



IROMAG

Odlazni studenti



by IROUNMO

U OVOM BROJU

HASANAGINICA

SREBRENICA

LANA PUDAR

TERENSKA NASTAVA

MUZIKA SPAJA

OMLADINSKA KARTICA

**REGIONALNA LJETNA
ŠKOLA**

SIMULATIVNO SUĐENJE

Kandidatima za upis na Univerzitet „Džemal Bijedić“ u Mostar omogućeno je studiranje na preko 50 studijskih programa na prvom i drugom ciklusu studija. Studenti posebno interesovanje iskazuju za studije koji nude brzu mogućnost zaposlenja na tržištu rada za koje će usvojiti neophodno formalno obrazovanje na Univerzitetu. Tu se posebno izdvaja FIT - Fakultet informacijskih tehnologija (Softverski inženjering i Razvoj softvera) ali i Poslovna informatika koja predstavlja spoj informatike i ekonomije, te ostali univerzitetski studiji kao što su Studij turizma, Dizajn interijera, Zdravstvena njega i Farmacija. Kako navode sa Univerziteta "Džemal Bijedić" u Mostaru, na tržištu rada postoji velika potražnja za kadrovima navedenih struka.

HASANAGINICA

By IROUNMO

Šta mi sve (ne)znamo...

Hasanaginica je poznata lirsko-epška narodna balada, koje je nastala između 1646. i 1649. godine u okrilju begovske bošnjačke porodice iz Imotske krajine, koja je tada bila dio Bosanskog pašaluka i vjerovatno se prepričavala s koljena na koljeno po Imotskom i okolini, dok je od zaborava nije otrgnuo italijanski putopisac i etnograf Alberto Fortis 1774, nazivajući je "morlačkom baladom". Prvi put je objavljena u Veneciji pod nazivom "Ilirska balada" u knjizi "Put po Dalmaciji".



Veliki umovi toga vremena, kao Johann Wolfgang Goethe (1775), Walter Scott (1798), A. S. Puškin (1835), Adam Mickiewicz (1841), samo su neki velikani književnosti, koji su prevodili Hasanaginicu.

Za nju se s pravom može reći da je jedna od najljepših i najzadivljujućih balada koja je ikad nastala.

Prvi prevod na njemačkom jeziku od J.W. Goethe (1775) objavljen je u knjizi "Glasovi naroda u pjesmi" 1778. godine pod nazivom „Klaggesang von der edlen Frauen des Asan Aga“ (Žalopojka plemenitih žena Hasan-age).

Iako Goethe nije pričao bosanski jezik i pjesmu prevodi relativno slobodno, uspeva da zadrži ritam originala.

Taj interes za vlastitu, kao i stranu narodnu literaturu, bio je tipičan za tu epohu i nalazi vrhunac u romantici.

sevdalinka.info



SREBRENICA

By IROUNMO


U organizaciji Unije studenata, 11.7.2022. godine su Potočare posjetili studenti Univerziteta "Džemal Bijedić" u Mostaru, članovi Info servisa za mlade i građani Grada Mostara. 11.7.2022. se navršilo 27. Godišnjica genocida u Srebrenici, najmasovnijeg zločina izvršenog na tlu Evrope poslije Drugog svjetskog rata.

Masakr u Srebrenici smatra se najgorom epizodom masovnih ubistava u Evropi od Drugog svjetskog rata. Od 11. do 19. jula 1995. godine ubijeno je više od osam hiljada nenaoružanih Bošnjaka od 14 do 70 godina.

Ubijeno je više od šest stotina djece. Najmlađa žrtva rođena je 13. jula 1995. godine, a ekshumirana je iz masovne grobnice u blizini Srebrenice 2012. godine.

Bosanski institut u Velikoj Britaniji objavio je spisak od 296 sela uništenih oko Srebrenice tri godine prije genocida. U prva tri mjeseca rata (april-jun 1992.) uništeno je 296 pretežno bošnjačkih (bosanskih Muslimana) sela u regionu oko Srebrenice. Oko 70.000 Bošnjaka je bilo prisiljeno da napusti svoje domove, dok je najmanje 3.166 Bošnjaka uključujući žene, djecu i starce, ubijeno.

Na preliminarnom spisku ubijenih Srebreničana trenutno se nalazi 8372 imena, a oko 12000 ljudi vodi se kao nestalo.



LANA PUDAR

By IROUNMO

Lana Pudar osvojila je naslov evropske juniroske prvakinje na 200 metara leptir. Šesnaestogodišnja Mostarka je u finalu utrke na Evropskom prvenstvu u Bukureštu uvjerljivo slavila s rezultatom 2:08.92.

Bila je najbrža u sve tri dionice finalne utrke (50, 100, 150 m).

Lana Pudar osvojila je srebrnu medalju u disciplini 100 metara delfin na Evropskom juniorskom prvenstvu koje se održava u rumunskom Otopeniju.

Nakon dva zlata na Mediteranskim igrama u Oranu, mlada Mostarka je otputovala u Rumuniju bez ikakvog odmora i nastavila sa sjajnim rezultatima.

Dominantnim nastupima Lana je izborila polufinale i finale, a onda je u utrci za medalju u disciplini 100 metara delfin zauzela drugo mjesto.

Pudar je završila na drugom mjestu s vremenom 57.88 i imala je zaostatak od samo tri stotinke za Roos Vanotterdijk iz Belgije koja je osvojila zlato.

Njeni treneri, Mr. Aleni Ćemalović i prof.dr sci. Damiru Djedoviću su također i profesori Nastavničkog fakulteta Univerziteta "Džemal Bijedić".



TERENSKA NASTAVA

By IROUNMO

Nastavnički fakultet – odsjek za sport i zdravlje

Studenti i profesori Odsjeka za sport i zdravlje Nastavničkog fakulteta su od 2.7.-8.7. su imali terensku nastavi iz predmeta “Logorovanje” i “Aktivnosti u prirodi”.

Tokom terenske nastave studenti su imali različite aktivnosti. Išli su na Hajdučka vrata i Vilinac, bavili su se alpinizmom, topografijom i čitanjem karata, ronjenjem sa bocama, raftingom na rijeci Neretvi. Također su učili kako da se lijepo ponašaju u prirodi.

Studenti su imali predavanja i iz predmeta „Osnove ronjenja“ te je nakon toga slijedila praktična nastava



MUZIKA SPAJA

By IROUNMO

Ekonomski fakultet – muzika spaja
Studenti druge godine (Belmin Kovačević, Amina Čolić, Elma Bubalo, Nejla Mešković i Delila Zelić) Ekonomskog fakulteta Univerziteta "Džemal Bijedić" u Mostaru su u petak, 24.06.2022. godine organizovali muzički događaj pod nazivom "Muzika spaja".

"Naša zamisao cjelokupnog projekta jeste bila da približimo ljude, da svi zaborave na sve brige makar na trenutak i pridruže nam se u muzici i pjevanju. Naš dan je započeo tako što smo se u 12:00 sati sastali sa kolegom Namikom Husnićem, koji nam je zaista pomogao u realizaciji ovog projekta. Defile je započeo u Ulici Braće Fejića. Započeli smo sa laganim pjesmama i pozitivno smo iznenađeni reakcijom ljudi.



Naime, ljudi iz kafića su imali samo riječi hvale. Mnogi prolaznici su nam se pridružili u šetnji. Belmin i Namik su dobili razne muzičke želje, pa smo zapjevali i pjesme koje nisu bile planirane. Defile se nastavio do Starog mosta gdje nas je dočekala ogromna publika. Oduševili smo mnoge turiste pa su nam se rado pridružili i tako smo još jednom dokazali da muzika zaista spaja. Drago nam je što je ovaj događaj ovako završio i nadamo se da će ljudi pamtit i zadugo ovaj mali projekat. Još jednom želimo da se zahvalimo Namiku Husniću što se odazvao na naš poziv" - kazali su studenti.

"Naš osnovni cilj je da razveselimo narod. Svi znamo koliko je danas narod u nekoj frci, koliko imaju obaveza i koliko su pod stresom, pa smo mi htjeli da kroz pjesmu, ples i veselje razveselimo narod i da makar na trenutak zaborave na te obaveze."

OMLADINSKA KARTICA

By IROUNMO

Evropska Omladinska Kartica je digitalna kartica kojoj se pristupa putem aplikacije „European Youth Card“.

Karticu se naručuje ispunjavanjem online formulara. U roku od 48 sati se dobije e-mail sa posebnim kodom i uputstvima za aktiviranja kartice.

Kartica vrijedi godinu dana.

Kartice se može koristiti u BiH ali i u 37 zemalja Evrope.

Desetine hiljada popusta na putovanja, kulturne sadržaje, smještaj, obrazovanje, usluge i proizvode širom Evrope dostupno je putem ove kartice. Osim toga, u svakoj zemlji postoji na stotine programa i prilika za volontiranje, učenje, zapošljavanje, poduzetništvo i mnoge druge stvari koje pomažu na studentima.

Karticu izdaju i upravljaju organizacije koje su članice Europske Asocijacije Omladinske Kartice(EYCA). ZA Bosnu i Hercegovinu, karticu izdaje PRONI Centar za omladinski razvoj. Više informacija na <https://omladinskakartica.ba/>



REGIONALNA LJETNA ŠKOLA

By IROUNMO

Regionalna ljetna škola ljudskih prava za studente i studentice pravnih fakulteta održana u Trebinju

Vijeće Evrope organizovalo je Regionalnu ljetnu školu za 32 studenata i studentica pravnih fakulteta iz Albanije, Bosne i Hercegovine, Crne Gore, Kosova i Srbije od 12 - 15. jula. Studenti su imali priliku da razgovaraju o potrebi za edukacijom u cilju promjene stavova ključnih aktera koji su uključeni u prevenciji i borbi protiv nasilja nad ženama i djevojkama.

Razgovori i diskusije su bili usmjereni na korijene rodne nejednakosti i nasilje nad ženama, borbu protiv stereotipa i predrasuda, prevenciju online nasilja nad djevojkama uključujući zlostavljanje zasnovano na slikama, nasilje u porodici u domaćoj, ali i u praksi Evropskog suda za ljudska prava.



Studenti i studentice su imali intenzivne pripreme za simulaciju suđenja, koja se održala u sklopu ove Ljetnje škole u prostorijama Osnovnog i Okružnog suda u Trebinju, što im je pružilo izuzetnu priliku da se na najbolji mogući način poistovjete sa profesionalcima kao i da utemelje pravac svoje karijere. Naš fakultet na ovoj Ljetnjoj školi su predstavljale studentice Vildana Kubat i Nejla Šarančić

SIMULATIVNO SUĐENJE


By IROUNMO

Na Pravnom fakultetu Univerziteta "Džemal Bijedić" u Mostaru, u sali za simulovano suđenje(stara zgrada Pravnog fakulteta), dana 17.6. 2022. godine u 11h, održana je simulacija suđenja u predmetu Nasilje u porodici.

Simulacija je završna aktivnost koja se provodi u sklopu Pravne klinike iz krivičnog prava, koja se prvu godinu implementira u sklopu izbornog predmeta Pravna klinika iz krivičnog procesnog prava koju su u ljetnom semestru ove akademske godine vodili prof. dr. Denis Pajić i doc. dr. Sunčica Hajdarović.

Studenti su prolazeći kroz petnaest modula savladali vještine javnog govora, suočili se sa svojim implicitnim predrasudama, te se pripremili za glavni pretres u krivičnom postupku.

Sudije na ovom simulativnom suđenju bili su sudija Kantonalnog suda u Mostaru Darko Zovko i advokat iz Mostara, Adnan Beganović.



čamiti - usamljeno čekati dugo
fakat - naravno, u svakom slučaju,
činjenica
fušeraj - nekvalitetan posao

lipsati - umoriti
na veresiju - besplatno,
navrti - biti uporan u nekom cilju ili
radnji

IROMAG



/iro.unmo



@iro.unmo



/iro.unmo

IROMAG TEAM
MIRSADA BEHRAM
LEJLA ŠKALJIĆ
LEJLA REPEŠA
HUSEIN MARIĆ

